

BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1508-2/12
Sarajevo, 18. 7. 2012. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO:	19. 07. 2012		
Organizaciona jedinica	Klasifikaciona oznaka	Katoli broj	Broj prijave
02-50-6-16-15/12			

PARLAMENTARNA SKUPŠTINA BiH

- Dom naroda-

SARAJEVO

PREDMET: Odgovor na izaslaničko pitanje, dostavlja se

Vijeće ministara Bosne i Hercegovine je na 13. sjednici održanoj 12. 7. 2012. godine utvrdilo Odgovor na pitanje koje je postavio Staša Košarac, izaslanik u Domu naroda Parlamentarne skupštine Bosne i Hercegovine.

U privitku prosljeđujemo Odgovor radi njegova dostavljanja izaslaniku.

S poštovanjem,



GENERALNI TAJNIK
Zvonimir Kutleša



BOSNA I HERCEGOVINA
VIJEĆE MINISTARA

Broj: 05-50-1-1508-2/12
Sarajevo, 16. 7. 2012. godine

Staša Košarac, delegat u Domu naroda Parlamentarne skupštine Bosne i Hercegovine, na 15. sjednici Doma naroda održanoj 15.05.2012.godine, postavio je pitanje Ministarstvu inostranih poslova Bosne i Hercegovine:

“ Koje je aktivnosti i radnje preduzelo Ministarstvo inostranih poslova BiH , kako bi se u tom ministarstvu u potpunosti implementirao, odnosno provodio Zakon o zaštiti tajnih podataka BiH?”.

Na postavljeno pitanje, Savjet ministara Bosne i Hercegovine je na 10. sjednici održanoj 12. 7. 2012. godine, utvrdilo sljedeći

ODGOVOR

U primjeni odredbi Zakona o zaštiti tajnih podataka Bosne i Hercegovine, Ministarstvo inostranih poslova Bosne i Hercegovine je kontinuirano u proteklim godinama provodilo aktivnosti na uspostavljanju, certifikaciji NATO Podregistra i Centralnog registra EU kao i potrebne aktivnosti u Misijama pri NATO i EU u Briselu.

Pomenute aktivnosti su i dalje u toku i provode se kroz sve potrebne faze na uspostavljanju sistema za zaštitu tajnih podataka kao i Centralnog registra za EU i Podregistra za NATO, jer se aktivnosti, implementacijom domaćih i međunarodnih standarda u personalnoj, fizičkoj i informatičkoj zaštiti uvećavaju kroz faze priprema za certifikaciju prostora, opreme i lica koja imaju pravo pristupa zaštićenim podacima.

Za sada, okončano je tehničko opremanje prostora kroz implementaciju “Twining” projekta koji se, nakon dva produženja, okončao 15. februara 2010.godine.

Softverska podrška koja je potrebna za ovu fazu okončana je u februaru 2012.godine.

Ministarstvo inostranih poslova Bosne i Hercegovine donijelo je Odluku kojom je utvrđen stepen povjerljivosti radnih mjesta (stepena vrlo tajno, tajno i povjerljivo) u sjedištu Ministarstva i diplomatsko konzularnoj mreži sa potrebnim elementima broja izvršilaca i uslovima stručne spreme.

S obzirom da je nakon donošenja navedene Odluke bilo potrebno osigurati da svi zaposlenici u Ministarstvu inostranih poslova Bosne i Hercegovine, koji zbog prirode poslova koje obavljaju moraju imati pristup odgovarajućim tajnim podacima, dobiju odgovarajuće dozvole predviđene Zakonom, zatražena je stručna pomoć i saradnja od Ministarstva sigurnosti Bosne i Hercegovine. Također, zbog velikog broja lica za koje je potrebno izvršiti potrebne provjere predloženo je da se zajedno sa Ministarstvom sigurnosti Bosne i Hercegovine sačini spisak prioriteta prema mogućnostima i terminima potrebnim za provjeru.

Također, Pravilnik o zaštiti tajnih podataka Ministarstva inostranih poslova je u internoj proceduri.

Ministarstvo inostranih poslova Bosne i Hercegovine će, u skladu sa raspoloživim finansijskim sredstvima i organizacijskim kapacitetima, nastaviti aktivnosti na ispunjavanju uslova za potpunu primjenu Zakona o zaštiti tajnih podataka Bosne i Hercegovine.